



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

9 փետրվարի 2023 թվականի N 150 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2014 ԹՎԱ-
ԿԱՆԻ ՀՈԿՏԵՄԲԵՐԻ 2-Ի N 1085-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ
ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 34-րդ հոդ-
վածի 1-ին մասով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2014 թվականի հոկտեմ-
բերի 2-ի «Պարտադիր զինվորական ծառայություն անցնող շարքային կազմի
զինծառայողների (ներառյալ՝ ծառայության ընթացքում կրտսեր ենթասպայական
կազմի զինվորական կոչում ստացած և պայմանագրային զինվորական ծառայություն
անցնելու մասին պայմանագիր չկնքած զինծառայողների), Հայաստանի Հանրապետու-
թյան պաշտպանության նախարարության կողմից նշված վայրում և պայմաններում
զինվորական ծառայություն անցնելու պայմանագիր կնքած շարքային կազմի պար-
տադիր զինծառայողների, ինչպես նաև ռազմաուսումնական կամ ոստիկանական
ուսումնական հաստատություններում սովորող կուրսանտների և սովորողների դրա-
մական ապահովության կարգը և չափերը սահմանելու մասին» N 1085-Ն որոշման
(այսուհետ՝ որոշում) մեջ կատարել հետևյալ փոփոխությունները՝

1) որոշման վերնագրից, 1-ին կետի 1-ին և 2-րդ ենթակետերից հանել «Հայաս-
տանի Հանրապետության պաշտպանության նախարարության կողմից նշված

վայրում և պայմաններում զինվորական ծառայություն անցնելու պայմանագիր կնքած շարքային կազմի պարտադիր զինծառայողների,» բառերը.

2) որոշման N 1 հավելվածում՝

ա. վերնագրից, 1-ին, 2-րդ և 5-րդ կետերից հանել «Հայաստանի Հանրապետության պաշտպանության նախարարության կողմից նշված վայրում և պայմաններում զինվորական ծառայություն անցնելու պայմանագիր կնքած շարքային կազմի պարտադիր զինծառայողների,» բառերը,

բ. 2-րդ կետի 1-ին ենթակետից հանել «և Հայաստանի Հանրապետության պաշտպանության նախարարության կողմից նշված վայրում և պայմաններում զինվորական ծառայություն անցնելու պայմանագիր կնքած շարքային կազմի պարտադիր զինծառայողների» բառերը,

գ. ուժը կորցրած ճանաչել 3.1-ին կետը.

3) որոշման N 2 հավելվածում՝

ա. վերնագրից հանել «Հայաստանի Հանրապետության պաշտպանության նախարարության կողմից նշված վայրում և պայմաններում զինվորական ծառայություն անցնելու պայմանագիր կնքած շարքային կազմի պարտադիր զինծառայողների,» բառերը,

բ. ուժը կորցրած ճանաչել 2.1-ին կետը:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան